



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dissertatio Theologica De Formulari Ab Illustrissimis
Episcopis Belgii Proposito In Causa Jansenii**

Claremontius, Johannes

Coloniæ, 1693

§. IV. Sensus Jansenii sive sit simplex sive ambiguus ejurari debet.

urn:nbn:de:hbz:466:1-40333

§. IV.

*Sensus Jansenii sive sit simplex sive
ambiguus ejurari debet.*

Multis jam libris editis ostensum fuit, sensum Jansenii congruere cum propositionibus damnatis, cumq[ue] ipsius Ecclesiam & perspectum habuisse & spectasse, propositiones condemnando. Cum autem hæresis non in nudis verbis, sed in sensu consistat, eam Ecclesia affigendo propositionibus, procul dubium ipsum sensum intuens hac nota confixit. Proinde manifestum est sensum Jansenii ex intuitu & intentione sive judicio ipsius Ecclesiae esse damnatum. Ne verò Jansenistæ consuetis tricis abutantur, quibus se à damnatione sensus Janseniani eximere conantur, quasi non congruat cum propositionibus damnatis, vel Ecclesia ipsum penitus non inspicerit, unum dilemma subiicit.

Vel explicatio Libri Janseniani, quæ damnatas propositiones respicit, simplicem sensum & univocum habet, vel ambiguum: si dixerint simplicem esse, abstrahamus illum cum totâ explicatione à Libro Jansenii, quasi ipse nihil de cā re scripserit, & Ecclesia quasi idealiter hunc ipsum sensum juxta ejusdem explicationis significationem & intellectum sibi proposuerit. Indubitatum est, etiam apud illos, Ecclesiam potuisse infallibiliter judicare sensum illum ita abstractum esse hæreticum. Atqui manifestum est hunc sensum totamque illius explicationem contineri Libro Jansenii: ex suppositione siquidem fuit inde abstractus. Ergo manifestum est ex declaratione infallibili Ecclesiæ sensum explicationis Jansenianæ esse hæreticum.

Si dixerint sensum explicationis illius ambiguum esse, cur Ecclesiæ eum damnante pariter ipsi non damnant? Certè propositiones ipsas ab Ecclesiâ damnatas, licet ambiguas esse clamitent, simpliciter damnare se profitentur. Quid igitur causæ est, cur eadem damnante sensum ambiguum, simpliciter quoque non damnant?

An fortè dicent, propterea se illum non damnare, quod sensus ille dicatur esse Jansenii? At hoc ipsum ex responsione & suppositione jam factâ manifestum est: quinimmò & ipsimet idem fatentur.

Fatalis nimis esset hujus sensus condemnatio, jugulumque erroris impeteret. Nam verè sensus Jansenii non est ambiguus, quem ipsi-

ipsum Ianseniani in Libello, alias S. Sedi oblatō determinarunt, sub titulo trium columnarum. In primā siquidem columnā sensum quinque propositionum damnatarum præfixerunt quem hæreticum profertur, sed à sensu Iansenii alienum. Et hoc verum esse fatentur Adversarii illorum omnes: sed à nemine Iansenio affectum fuisse assertunt. Secundæ columnæ sensum ipsius Iansenii adscriperunt, eundemque genuinum esse illius sensum Adversarii quoque agnoverunt; sed insuper sustinuerunt ipsum esse quem in quinque propositionibus expressum damnavit Ecclesia. Attamen cum Catholicus in eo Libro à Iansenistis diceretur, Libellus ille à S. Sede iterum est proscriptus.

Quis verò nisi demens sibi fingat, sensum Iansenii ex utriusque partis declaratione & testimonio patentem, ambiguum esse & incertum: Aut Ecclesiam adeò despisse, ut alienum Libro Iansenii affingendo, nec à quoquam eidem adscriptum damnatione suâ impeteret? Ita planè conficitur eos, qui Iansenii sensum excusatum volunt, credere, sensum uti hæreticum ab Ecclesiâ damnatum, non esse hæreticum: adeòque ipsi eidem sensui adhærendo tenere hæresim convincuntur.

§. V.

Confertur autoritas Ecclesiæ cum iudicio quorundam Iansenii sectatorum.

Sola porrò autoritas Ecclesiæ, quæ à Deo constituta est judex contentiarum non solum in materiâ fidei, sed & morum aliisque ad disciplinam Ecclesiasticam spectantibus, adversus hæreses, schismata, scandala & his similia mala, sufficit ad conciliandam sibi fidem, ad persuadendam veritatem & ad convincendos refractarios. Hæc autem in causâ de sensu Iansenii iudicium suum adhibuit cå diligentia quam major desiderari non potest. Nam Urbanus VIII. Innocentius X. Alexander VII. auditis Iansenii Defensoribus, adhibitis plurimorum Doctorum consultationibus & Cardinalium consiliis, invocato multis precibus Spiritus sancti auxilio, examine per plures annos continuato & repetito sensum Iansenii damnarunt. Accesserunt toto orbe frequentissimi Episcopi & Doctores, qui vel in anteceßum sensum illum exhorrescentes S. Sedi condemnandum proposuerunt, vel post damnationem sententiæ confenserunt, eam laudaverunt, & de illius sensus